

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum
Referendi modum accommodatæ. Opus Novum

Complectens alteram Decretalium medietatem, videlicet nonaginta duos
Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Decisio CLXXVII. De Seminario largis à Summo Pontifice privilegiis munito,
& vi horum aliquem ex alumnis sepeliente in templo suo proprio.

[urn:nbn:de:hbz:466:1-62204](https://nbn-resolving.de/urn:nbn:de:hbz:466:1-62204)

sen können, seye, daß niemand den Aufgang des Fahrtruns auf diesem Wege wisse oder vernommen habe.

Ex his enim planè & sufficienter

infertur, quod tempore immemorali, von ohn Fürdenclichen Jahren, hac via usi sint.

TITULUS XXXIII.

De Privilegiis & Excessibus Privilegia-torum.

DECISIO CLXXVII.

De Seminario largis à Summo Pontifice privilegiis munito, & vi horum aliquem ex suis Alumnis sepeliente in templo suo proprio.

SPECIES FACTI.

Non multis abhinc annis in præcipua Urbe cuiusdam Provinciae, Summi Pontificis & Cæsaris autoritate, hujusque insigni munificentia, eretum est Collegium seu Seminarium sub titulo trium SS. Regum &c. Patribus Societatis, qui proflus singulari industria, labore, & zelô Sanctæ Religionis Catholicæ promovenda, peruptis magnis obstaculis demum opitalante Divino Numine illud ad optimatum effectum perduxerunt, traditum ad gubernandum, & quasi appropriatum non in suum, sed in reipublicæ Christianæ commodum, ut nimis sub illorum directione, vi-

(R.P. Pichler Decif. T. 2.)

gilantia, & instructione Nobilis Ingenua, & majoris spei Juventus, ex tribus Septentrionalibus Regnis, scilicet Suecia, Dania, & Norvegia, eisdemque respectivè subjectis Provinciis & statibus oriunda, purâ & Catholicâ doctrinâ, pietate, probis honestisque moribus, bonis quoque artibus & scientiis, orthodoxæ Fidei dilatandæ, illisque in partibus promovendæ, maximè necessariis imbuatur. Summus Pontifex, Clemens XI. paternâ proflus benignitate huic Collegio ingentes ac speciales gratias, favores, & privilegia clementissimè impertitus est, atque inter alia

* Cc

in

in sua, quam desuper sub hoc initio, Pastoralis officii, edidit motu proprio, ex certa scientia, Ex plenitudine potestatis, Bulla circa medium sic loquitur: Postremo eidem Collegio seu Seminario, illiusque Rectori, Superioribus, Alumnis, aliisque personis, in eo degentibus predicitis, ut omnibus singulis privilegiis, facultatibus, immunitatibus, exemptionibus, prerogativis, praeminentibus, antelationibus, concessionibus, indultis, indulgentiis, favoribus, & gratiis universis, tam spirituallibus quam temporalibus, quibus NB. alia Collegia, & Seminaria ejusdem Societatis, in illis partibus erecta, in genere vel in specie, etiam per viam simplicis communicationis, ac alias quomodolibet utuntur, fruuntur, potiuntur, & gaudent, ac uti, frui, potiri, & gaudere possunt, & poterant quomodolibet in futurum, similiter, pariformiter, absque ulla prorsus differentia, uti, frui, potiri, & gaudere possint, & valeant, in omnibus & per omnia perinde, ac silla predicto Collegio, seu Seminario, ejusque Rectori, Superioribus, Ministris, Alumnis, aliisque Personis predicitis specialiter & expressè concessa, & elargita fuissent, concedimus & indulgemus. Idem Sanctissimus huic sua Bullæ non solum tales adjecit & præmisit expressiones, quæ omnem ob- vel subre-

ptionis suspicionem vel calumniam merito excludant, sed etiam prægnantissimas, favorabilissimas, & tales addidit clausulas, ut, quare ratione magis munire ac stabilire potuisse privilegia & gratias eidem Collegio seu Seminario communicatas, plane non appareat. Ad hanc Pontificiam Bullam respiciens Augustissimus Imperator Carolus VI. cui sit felicitas, in speciali diplomate non sollem ingentibus gratis liberalissime cumerarit hoc Collegium seu Seminrium, sed etiam in suam suorumque heredum speciale tutiōnem & clientelam recepit. Quibus tamen omnibus non obstantibus, cum nuper contingere, ut aliquis, qui ex hoc Collegio, à Patribus Societatis hucusque ad predictos præstantissimos fines laudabilissimè ac in omni quiete administrato, primus ex alumnis dictarum Nationum viam æternitatis ingressus est, moreretur, & à diebus Patribus Collegii moderatoribus in templo ejusdem Collegii proprio, conformiter memoratis, ut credebant, privilegiis tumulo inferretur, præter exspectationem Parochus loci reclamaret, &, ut scribitur, item intenderet. Quapropter petitur, utime examinetur & resolvatur

QUÆ-

QUÆSTIO.

An memorati Collegii seu Seminarii Alumnus in templo, ejusdem proprio, jure fuerit tumulo illatus?

Rationes Dubitandi.

Vlderis forsitan posset, quod non. 1. Quia Parochus in Jure Communi fundatam habet intentionem ad omnes omnino, qui in sua parochia moriuntur, nec speciale elegerunt sepulturam, aut privilegio vel jure speciali, quo subtrahantur iuri parochiali, non sunt muniti, sepeliendos in cœmeterio vel Ecclesia parochiali. per c. 1. 3. 10. & c. 2. 3. in 6. Et Clem. 2. de sepulturis. ergo & iste Alumnus, tanquam parochianus, cum alibi elegisse sepulturam non constet, in parochia sepeliri debuisset, præsumtum cum.

2. Per nullum privilegium, sufficienter probatum, aut per aliud jus speciale, subtrahet iuri parochiali quoad sepulturam; siquidem Bulla Clementina, ex qua sola probari deberet subtractio à jure parochiali, Collegio seu Seminario trium SS. Regum tam ampla communicans privilegia, utitur terminis duntaxat generalibus, nec ullo verbo expressam facit mentionem de sepultura alumnorum &c. notum autem est in Jure, quod privilegians nunquam censeatur derogare Juri Communi, aut juri alieujus tertii, nisi id disserit &

specificè exprimat. c. 7. c. 9. de Privil. c. 15. de offic. deleg. c. 12. de offic. Ordin. c. 1. de Confit in 6. l. 4. C. de emancip. liber. ibique DD.

3. Licet Summi Pontifices quibusdam, uti Religiosis, subin expreßè concedant parochianos in suis sepietim cœmeteriis vel Ecclesiis, solent tamen addere hanc clausulam, *salvæ justitiae Ecclesiarum, à quibus corpora assumuntur*, id est, Parochialium, nemirum ipsis præjudicetur in emolumentis ratione exequiarum provenientibus & sepulturæ, ut in c. 9. cit. Sixtus IV. in Mari Magno. Honorius III. in Confit. Religiosam §. 10. Et fortè non exstat Bulla, in qua disserit & specificè concessa est potestas Regularibus sepeliendi parochianos in Ecclesia sua, & non-parochiali, cui haec clausula non sit inserta: ergo à fortiori non censemur derogatum esse iuri Parochiali per Bullam, in qua ne quidem expreßè ac specificè data est potestas sepeliendi parochianos extra parochiam, uti in dicta Bulla Clementis XI.

4. Clemens XI. insuper adjectit haec verba notatu digna, *in illis partibus erecta, & sic insinuavit, se Seminario*

C c 2

trium

trium SS. Regum solum illa communicae privilegia quibus gaudent alia Seminaria in his partibus erecta, & Patribus Societatis ad gubernandum tradita; atqui forsitan nullum in his partibus erectum hujusmodi Semi-

narium gaudet, vel exercet ius sepiendi suos alumnos defunctos, ut videmus in celebrioribus Seminariis & Convictibus Germaniae, Dilingano & Ingolstadiensi: ergo &c.

Decisio cum Rationibus Decidendi.

Ut autem haec aliquam veritatis speciem preferant, nihilominus tamen tenendum censeo, hunc alumnū, de quo est hic sermo, attento & accuratius pensato tenore Bullæ Clementis XI. Summi Pontificis glor. mem. in proprio Seminarii templo jure sepultum fuisse. Cujus decisionis fundamenta non spernenda, sed omnino solida sunt 1. quia Clemens XI. in sua Bulla *Pastoralis Officii Colegio seu Seminario trium SS. Regum, Alumnis, & personis in eo degentibus, non solum omnia, sed etiam singula privilegia, facultates, exemptiones, favores, & gratias, non solum in genere, sed etiam in specie communicauit, quibus fruuntur & gaudent alia Collegia, & Seminaria Societatis JESU, etiam per viam simplicis communicationis, & quidem similiter, parviter, absque ulla prorsus differentia, in omnibus & per omnia perinde, ac si illa, predicto Collegio seu Seminario, illiusque Alumnis aliisque personis predictis specialiter, & expresse concessa & largita fuissent. Notentur, & bene perpendantur verba minori charactere expressa. Atqui Collegia, & Semina-*

ria Societatis (quo nomine Seminiorum Societatis, sicut in Instituto Societatis part. 10. Constat, q. 4. ita & in Bullis Pontificiis, ut in Bulla *Julius Episcopus Juli III.* intelligatur Domus, in quibus Juniores & Scholastici Societatis excoluntur scientiis & virtutibus, ut aliquando evadant in utiles in Vinea Domini operarios (in quem ipsum finem Seminarium hoc Alumnorum principalius erexit) gaudent ac fruuntur jure sepeliendi in Ecclesiis, crypts &c. propriis suos Alumnos &c. Neque Pontifices solent Seminaria Externorum, quæ sunt sub directione Patrum Societatis, vocare Seminaria Societatis, sed illa solum, in quibus juniores Societatis erudiuntur: ergo, dum Pontifex huic Collegio concessit privilegia, quæ competit Seminariis Societatis, voluit etiam Collegium seu Seminarium hoc SS. trium Regum frui ac gaudere jure sepeliendi in templo proprio Alumnos suos, & personas in eo degentes; nisi Bulla Pontificia, tam discretè & distinctè omnia & singula tam in genere quam in specie Collegiis (& Seminariis) Societatis JESU

JESU competentia, sine ulla prorsus differentia, in omnibus & per omnia non aliter, ac si specialiter & expressè Collegio seu Seminario trium SS. Regum essent clargita, eidem Collegio plenissimè concedenti, vim facere velimus; siquidem dispositio generalis per se comprehendit omnes species, & designulis, ac si singulae essent expressæ, intelligenda est. l. 1. §. 1. ff. de Legat. p[ro]p[ter]t. l. si chorus prima. ff. de Legat. III. l. omnes de prescript. 30. vel 40. annu. Et pars sicut, aliquid nominatim exprimi, vel per relationem ad aliud, ubi reperitur expressum. Paris. Conf. 122. n. 3. seq. lib. 1. Argumenti Ma. patet ex verbis Bullæ. Min. est indubitate non solum ex Pontificum Bullis, in quibus omnia ordinum regularium Privilegia communicantur Societati JESU, sed etiam ex propriis ipsi Societati directè concessis, item ex usi constanti & observantia ad oculum patente, nunquam impugnata, nunquam interrupta. Idque non solum procedit de membris Societatis & Alumnis Religiosis, sed etiam

2. De secularibus in aliqua domo vel Collegio Societatis commorantibus, & simul vel in ejus servitio vel sub aliqua obedientia constitutis, partim propter communicationem privilegii talis à Leone X. Benedictinis, à Clemente IV. Minoribus, & à Paulo VIII. Minimis concessi. Idem Leo X. p[ro]p[ter]t. Minimis indulxit, ut famulorum &c. in habitu seculari deservientibus, etiam Paschatis tempore, &

Ce 3 ad

in mortis articulo Eucaristie & Extremæ Unctus Sacramenta ministrare: & sepulture beneficium, cuiusvis licentia super hoc minime requisita, impendere valeant. Consequenter idem indulsum est propter communicationem

Patribus Societatis, ut expressè habetur in Comp[endio] privil. Soc. v. familiares. § 2. partim propter specialem similis privilegii concessionem eidem Societati factam, & in Constit. Licet debitum Pauli III. comprehensam his verbis: iis verò, qui in ipsorum Preceptorum, & Sociorum morantur obsequio, cuncta libere possint ministrare Ecclesiastica Sacraenta, & ipsos, cum decedunt, in eorum cæmeteriis sepelire. Per istos autem in Sociorum obsequio morantes non solum intelliguntur domestici & familiares, qui intra Collegiorum, Monasteriorum, ac Domorum septa habitant & famulantr, ut satis aperte colligitur ex Tridentino Sessi. 24. c. 11. de Reform. & traditur à magno Suarezio to. 4. de Relig. tr. 10. l. 9. c. 4. n. 12. 16. Sed etiam & vel maximè Alumni, qui in tali Collegio vel domo existunt sub obedientia, etiam non Religiosa; sed solum ordinata ad proficiendum in scientiis bonisque moribus, ad conservandam vel propagandam Fidei orthodoxam plurimum conduceantibus, imò necessariis. Pellizar. in Manuali Regular. to. 2. tr. 8. c. 3. sett. 3 n. 324. & 328. qui animirum tales alumni revera veniunt nomine familiarium, & quidem in propria significacione, cum pertineant vel maximè

Ce 3

ad familiam, prout hæc sumitur pro quodam corpore sub eodem & economico imperio, adeoque patrem-familias & omnes ei subordinatos & subjectos complectente. per l. 195. §. familiae appellatio. 3. & ib: Gœdd ff. de V. S. nam familia constat ex capite & membris, liberis & domesticis l. 195. cit. §. 2. l. 196. Gœdd. n. 2. Card. Tusch. litt. F. concl. 75. n. 3. 5. Alex. Conf. 178. pr. lib. 6. Nicol Everhard. Conf. 10. n. 3. 5. Knipsch. Id. de Fideicom. Familiar. c. 1. n. 26. seqq. Barbos. de appellativ. appell. 95. allegans l. editio ff. de adilit. Edit. 83 l. 1. §. familie. ff. de vi §. vi armata. Addit idem appellat. seq. familiares appellari verè illos, qui continuò vivunt & morantur cum eo, cuius expensis aluntur, & familiares, atque commensales propterea dicuntur. Atqui Collegio seu Seminario trium SS. Regum Clemens XI. omnia & singula privilegia, in genere & specie, ac si specificè & exprefsè ipsi primitus essent concessa, quæ Collegiis & domibus Societatis Jesu, corumque familiaribus, alumnis, familis ibidem sub aliqua obedientia degentibus, vel famulantibus, quomodolibet concessa sunt, etiam per viam simplicis ranum excommunicationis, liberalissimè & amplissimè indulxit & communicavit. Imò hoc ipsum Collegium seu Seminarium trium SS. Regum non malè dicitur esse Collegium & Seminarium ipsius Societatis, partim quia prouersus singulare virorum Societatis industria, labore, precibus, sumptibus emendi-

catis, constantiā in perfringendis obstaculis &c. fundatum, erectum, atque Summi Pontificis ac Imperatoris auctoritate eidem Societati traditum est, ab ipsa perpetuò gubernandum & administrandum; partim quia id ipsum haud obscurè indicant hæc Bullæ Clementinæ verba, quibus gaudent alia Collegia, & Seminaria ejusdem Societatis; dictio enim alia est repetitiva similium, & facit positionem ejusdem qualitatis ad praecedentia l. quidem relegatus & ibi Bartol. ff. de reb. dub. l. 3. & ibi gloss. C. de servis fugit. & c. Sedes de Rescript. DD. communisimè, quorum plurimos recenset Barbos. dict. 26. ergo.

3. Patres Societatis habent privilegium Secularibus in Collegio vel domo sua periculose decumbentibus, & ibi vel ratione studiorum, maximè Superiorum, aut alia de cauilla commorantibus, sine Parochi licentia, ministrandi Eucharistiam per modum viatici, & conferendi Extremam Unctionem, non solum per communicationem privilegorum, quam obtinent cum omnibus Regularibus Mendicantium & Non-Mendicantium Ordinum, consequenter & dicti privilegi Sacmenta morientium illis administrandi, per Bullam concessi minimis à Paulo IV. quem refert Roderiq. in Bullario constit. 2. Pauli IV. de Peregrin. to. I. privil. constit. 1. Julij II. n. 92. 93. item Monach's S. Benedicti de observantia in Hispania à Martino V. pariter per Bullam, quam refert Casarubius in compendio v. familiares.

miliares. n. 10. sed etiam per speciale privilegium ipsi Societati elargitum à Paulo III. in cit. Constat. Licit debitum. Pellizar. lo. cit. § c. 5. sect. 4. n. 145. ergo idem privilegium virtute Bullæ Clementis XI. obvenit & communicatum est Collegio seu Seminario trium SS. Regum. Ulterius

4. Confirmatur ex Compendio pri-
vil. Soc. v. familiares §. 1. ubi in Scholio
sic habetur: præter Confessionis & Eu-
charistia Sacramenta, familiaribus Ex-
tremæ Unctio poterit administrari, atque
ad eo iis solis, qui in Domibus, Collegiis,
Residentiis, & NB. aliis locis Societatis
habitaverint. Id etiam de sepultura
intelligitur. Extra septa vero cum illis
perinde, atque cum aliis agatur. Rursus
in eodem Compend. v. Extrema Unctio.
sic legitur: possumus Nostris iis, qui intra
septu Collegei seu Domorum infirmati
fuerint, Extremam Unctionem Apostolica
auctoritate libere & licite, Parochialis
presbyteri, vel alterius ejususcunque Epi-
scopi vel Superioris, licentia vel assensu
nullatenus requisito, ministrare. Ex
quibus Suarez lo. cit. n. 16. & Pellizar.
c. 3. sect. 3. cit. n. 302. & 328. infer-
runt, posse Regulares, in specie So-
cietatis JESU, vi dictorum privilegio-
rum alumnis & convictoribus sacer-
taribus, qui studiorum causâ in ali-
quo Collegio, Monasterio, Domo,
aut Seminario, cui præsunt, aut quod
administrant Patres Societatis, ultima
morituris Sacra menta, in specie Eu-
charistiam & Extremam Unctionem
quoque, nullius requisito consensu,
ministrare: quæ doctrina etiam fun-

datur in Jure Communi, scilicet Cle-
ment. Religiosis §. fin. de Privileg. ibi:
Sanè Religiosis illis, quibus est ab Apo-
stolica Sede concessum, ut familiaribus
(quo nomine veniunt utique etiam
alumni sacerdotes studiosi) suis dome-
sticis Sacra menta possint Ecclesiastica mî-
nistrare, nullum ex premisso volumus
quod hoc prejudicium generari. Em-
man. Roderiq. to. 2. q. 69. art. 1. n. 2.
ubi dicit, potestatem dandi Extremam
Unctionem intra septa existentibus,
non esse privilegium, sed Jus Com-
mune. Eadem doctrina confirmatur
ex praxi & consuetudine. Nec du-
bito, quin iste Alumnus, de cuius
sepultura hic agitur, præviè à Patri-
bus Societatis, irquisitò Parochò
(ut sit in aliis convictoribus & Semina-
riis nostris) provisus fuerit ultimis
Sacramentis, Eucharistia per modum
Viatici, & Extremæ Unctionis. Jam
sic: jus tumulandi usq[ue] plenum de-
pendet à jure administrandi mori-
bundis Sacra menta, ut adeo hoc jure
concesso, tanquam majore, etiam jus
tumulandi tanquam minus merito
censeatur esse concessum. c. 27. de
Decim. c. 53. de R. J. in 6. P. Schmalz-
grueber ad tit. de sepulturis. n. 42. id
que satis clare indicat, quod ex Com-
pendio privil. Soc. v. familiares recita-
tum est, ubi ex eo, quod possit fami-
liaribus ministrari Extrema Unctio,
sic inferitur: id etiam de sepultura in-
telligitur. Ethusus rei ratio est, quia
Jus Commune ideo potissimum Pa-
rochis tribuit jus tumulandi, & inde
aliqua emolumenta capiendi, quia
viven-

viventibus parochianis ministrandi Sacra menta jus & obligatio nem habent, præsertim ultima: Sed, ut dictum & probatum est, Regularibus, præsertim Societatis JESU, qui præfunt Seminariis Sæcularium, ea-

que administrant, competit jus Sacra menta ultima, Eucharistiae & Extrema Unctionis, nemine requiso, dandi morientibus Alumnis Sæcularibus: ergo & jus tumulandi competit.

Respondetur ad Rationes dubitandi.

Ad 1. Negatur *Conseq.* propter pri vilegium, quo gaudet Coll egi um hoc trium SS. Regum seu Semi narium, & omnes ejus alumni, quo, licet non elegant ipsi sepulturam tam subtrahi sunt juri parochiali quoad sepulturam; nam jus speciale prævalit juri communii, atque tollit intentionem Parochi in Jure Com muni fundatam, sicut v. g. contingit in casu, quo aliqui jure speciali, nem pe privilegio, præscriptione &c. eximuntur ab obligatione solvendi Decimas Parochio, intentionem ad eas fundatam habenti.

Ad 2. Negatur *assertum*; licet enim Bulla Clementis XI. utatur terminis generalibus, nec expressam & spe cificam faciat mentionem de sepul turâ Alumnorum, id tamen nihil prohibet, quod minus Collegium seu Se minarium trium SS. Regum partici pet etiam jus sepulture, sicut parti cipat jus providendi suos alumnos ultimis morientum Sacramentis, licet de hoc in Bulla Clementis XI. non fiat expressa & specifica mentio. Ratio est quia, quando fit concessio privilegiorum per viam communica

tionis illimitatae, pariformiter, in ge nere & specie &c. non solent omnia & singula expresse ac specificè exprimi per integrum catalogum (quis enim hoc unquam audivit vel vidit vel in communicationis Bulla legit?) sed per terminos etiam generales censentur concedi omnia & singula privilegia, & modo, quæ & quo modo competunt, quibuscum in dulgerit communicatio privilegiorum, ita ut nec minus, nec plus, in telligatur esse concessum; cum in hoc vis communicationis consistat, quod nempe, nisi Princeps aliud declarat, regulariter censeatur omnis & tota gratia esse communicata juxta fontem & originariam concessionem, atque secundum totam latitudinem quam habent privilegia alii originale & specificè concessa. Alviset de Privileg. Ord. regular. sect. I. n. 4. P. Schmalzgrueber ad tit. de Privileg. n. 83. Paria enim sunt aliquid nomi natim exprimi; vel per relationem ad aliud, in quo reperitur expressionem Paris. l. 1. cons. 122. n. 4. & referens (quod hinc est Bulla Clem. XI.) inter minis censetur continere idem, quod est in

est in termino relato. Socin. l. 1. cons. 77. n. 6. & cons. 89. n. 9. Et relatum censetur contineri tanquam pars in referente. per l. ass' toto f. de hered. instit. Card. Tusclus litt. R. concl. 129. n. 2. Barbosa axiom. 201. cum plurimis aliis. Proin sic ut relatio restringitur ad illud solum, quod continetur in relato, ita & extenditur ad omne id, quod continetur in relato. Sic multi Ordines Religiosi gaudent multis privilegiis in specie, atque nomine quidquam contrà móvente utuntur liberè, licet sibi non originaliter ac specificè, sed aliis Ordinibus, sibi tamen per communicationem, sine expressa & specifica singulorum mentione, fuerint elargita: sic Universitates & Academiae passim & liberè utuntur privilegiis non sibi specificè concessis & originariè, sed aliis Universitatibus, v.g. Parisiensi, Bononiensi, Viennensi &c. parifomiter &c. sibi tamen sine omni differentia, licet per terminos generales, communicatis cum relatione ad illas Universitates celebriories, quibus originariè indulta sunt in specie. Dein Bulla Clementina, licet specificè non nominaverit jus sepelendi, tamen illud satis etiam expressit in specie per verba, omnia & singula, in genere & inspecie, absque ulla differentia, ac perinde ac si specialiter & exprefse eidem Collegio elargita fuissent &c. quæ verba utique vim suam habere debent & aliquem effectum. Nec obest, quòd jus sepeliendi de Jure Communi competat Parochis, & sic privilegium

(R. P. Pichler Decis. T. 2.)

sepeliendi aliis datum repugnet Juri Communi, & juri Parochorum, quia Pontifex id non ignoravit (cùm præsumi non possit ignorare Jus Commune) & tamen omnia & singula privilegia, in genere & specie &c. Collegiis & Seminariis Societatis JESU competentia, sine ulla differentia Collegio seu Seminario trium SS. Regum communicavit amplissimis verbis, inter quæ etiam est jus sepeliendi: ergo & hoc in specie unà cum aliis omnibus communicavit; si enim Princeps vel Pontifex probè sciat, privilegium derogare Juri Communi aut juri alicujus tertii & tamen largiatur vel communicet, rectè censetur illis derogare regulariter velle, licet in specie expressam mentionem illorum non faciat, aut in communicatione non exprimat singulas species privilegiorum, quæ communicat. Decius Cons. 113. Consalv. ad reg. 8. Cancell. gloss. 36. Cassador. decij. 35. de Privil. Alcan. Tambur. de Jure Abb. d. 15. q. 4. to. 1. ubi plures pro hoc allegat Rota decisiones: secus si foret, sanè plurimi Religiosi ne quidem suos regulares sepeliendi jus haberent, utpote id solum consecuti per communicationem privilegiorum terminis generalibus sibi factam. Adeo, quòd Clemens XI. in sua Bulla communicationis posuerit has clausulas, motu proprio, ex certa scientia, & ex plenitudine potestatis, quæ tam sunt prægnantes, ut non solum excludant omnem suspicionem ob- vel subreptionis, sed etiam designant

* Dd

gra-

gratiam aliquam prorsus singularem & superlativam, ac Pontificem intendisse Juri Communi &c. derogare. Alviset s^t. l. c. 6. §. 4. n. 11. Guid. Pap. in tract. de Rescript. Accedit, quod DD. cum Panormit. in c. cū ad hoc de Cleric. non resid. Angel. v. privilegium Sylv. eod. V. Cruz in Epitom. Privil. l. 2. c. 2. dub. 3. & Barbos. de off. § pot. Parochi c. 25. moneant, solum tunc opus esse, ut Princeps privilegians contra jus tertii exprimat, se intendere illi derogare, quando laesio juris estenormis & valde notabilis: sed enormis laesio juris Parochorum non est, si alicui Collegio potestatem tribuat suos sepeliendi alumnos; sicut laesio enormis non est, si tribuat potestatem iphis conferendi ultima morientium Sacraenta: præfertim id procedit, si Princeps jam antecedenter sciat, suum privilegium derogare juri tertii, ut contingit, si hoc in Corpore Juris Communis comprehensum est, sicut jus sepeliendi Parochorum ibi comprehensum reperitur.

Ad 3. Illam clausulam, *salvā justitiā Ecclesiārum &c.* Pontifices solum addere consueverunt pro casu, quo aliquis, qui debuerat sepeliri in Ecclesia vel Cœmterio parochiali, elegit sepulturam alibi, non vero in casu (saltē ego nullibi reperire posui) quo certis quibusdam Collegiis, Ordinibus &c. tribuerunt privilegium certas sepeliendi personas. Et hinc negatur *Conseq.* Non opus esse singulas privilegiorum species per in-

tegrum catalogum exprimi nominatim, quando aliorum privilegia conceduntur aliis per communicacionem, jam satis suprà ostensum est.

Ad 4. Vic s^l diligenter notari cupio hæc verba Pontificis immediate præcedentia, quibus alia Collegia, & Seminaria ejusdem Societatis fruuntur & gaudent: ergo Collegio triū SS. Regum tantum communicare voluit privilegia aliis Seminariis erectis in his partibus (per quæ verba, in his partibus erecta, sua Sanctitas videatur solum innuere voluisse, se Concordatis Germaniae, & aliis S. C. Majestatis Regalibus nihil detractur velle) sed etiam concessa ipsis Collegiis Societatis, id quod indicatur per adjectam particularam §, quæ copulativa est, dum Papa ait, quibus alia Collegia, & Seminaria ejusdem Societatis gaudent &c. Dein per Seminaria Societatis conformiter Instituto Societatis & Bullis Pontificis, ut supra notavi, intelliguntur illæ domus & Collegia, in quibus versantur & studiis antea operam Scholas tui & Alumni de ipsa Societate, que certò habent jus sepeliendi suos alumnos in Ecclesiis & Cryptis suis. Demum etiam alia Seminaria Sæcularium, in his partibus Societati commissa, habent, & actu exercent potestatem suis alumnis, & studiosis sæcularibus, inibi degentibus, Eucharistiam per modum viatici & Extremam Unctionem moribundis præbendi, ut videmus fieri Dilingæ &c. consequenter habent & jus sepeliendi, ut supe-

superius animadversum est. Quin & irrequisiō Parochiō in Ecclesia & cœmterio Academicō suos alumnos sepeliri faciunt, uti Seminaria gemina, Archi-Ducalē, & Cæsareo Ferdinandaeū Græcii. Quod autem hanc potestatē sepeliendi in suis templis non exerceant, in causa est, quia propria templa & cœmteria non habent, vel locum sepulturæ: id ergo non ex defectu potestatis provenit, sed ex defectu opportunitatis.

Objicit adhuc Adversarius I. Bullam Clementis XI. ob non debitam Romiæ factam informationem subreptiè est obtenta. II. Unus PP. Socieratis, quando fuit ab Ordinario data licentia aperiendi templum hujus Seminarii, anno 1714. inter alias conditiones cum consensu & potestate à suo R. P. Provinciali priùs obrenta subscripti etiam his. 1. Quod in hoc Seminario & templo salva semper permanere debeat in omnibus jurisdictione Ordinarii. 2. Quod animarum cura, jus sepulturæ & Sacramentorum administratio (exceptis tamen suo modo ultimis morientium Sacramentis respectu domesticorum) inviolabiliter consolidata essent Parochiæ. III. Ipsum Collegium Societatis JESU suum mediastinum non ita pridem defunctum extradidit parochiali sepulturæ, sicut Seminarium aliud, cui præfet Societas aliquem ex alumnis defunctum. Sed facile. Ad I. temerarium videtur hoc objicere, cùm Bulla Pontificia conti-

neat clausulam hanc singularem, motu proprio, non ad alicuius nobis super hoc oblate petitionis instantiam, sed ex certa scientia, meraque deliberatione deque Apostolica Sedi plenitudine, cujusmodi clausula tollunt omnem subreptionis suspicionem & calumniam, ut nōrunt & passim tradunt Canonistæ. Ad II. Esto, quod ille P. subscripterit; quod autem subscripterit auctoritate & cum consensu sui P. Provincialis, non constat; id tamen bene, quod P. Provincialis dixerit, senunquam subscriptum. Sed esto & hoc, quam inde sequitur? nihil aliud, quam quod ante Bullam exemptionis & aliorum privilegiorum Seminario per communicationem cum Societate JESU concessorum hæc Ecclesia Seminarii fuerit subjecta jurisdictioni Ordinarii, & cura animarum, jus sepulturæ &c. permanere debuerint, vel debuissent, consolidata Parochiæ: at non amplius post Bullam obrentam, in qua tam Seminarium, quam personæ illius amplissimè fuerunt exempta, & omnia Societatis privilegia in genere & specie, ac si ipsi Seminario &c. primitus fuissent elargita, eisdem communicatam quo modo totus status Seminarii templi ac personarum, fuit immutatus ab eo qui potestatem immutandi habuit, & voluntatem plus quam evidenter declaravit suam, jurique tam Ordinarii quam Parochi derogare sicut potuit ita & voluit. Ad III. Collegia Societatis, quamvis vi suorum privilegiorum possent suos

dome-

Dd 2

domesticos sepelire in suis cryptis, vel templis vel cœmeteriis, tamen non tenentur uti suō privilegiō, nec uti quoad hanc sepulturam solent: quid indē insertur? nihil. Illum Seminaristam nec voluit Seminariū, nec ob defectum loci potuit sepelire: an verò absolute potuisset, si opportunitatē loci habuisset, m̄hi non constat, quia ignoro, quibus privilegiis munītum sit. Ex quo iterum nihil interfert contra Seminariū SS. trium Regum cui certò ex dictis competit modò privilegium sepeliendi suos domesticos.

Pro coronide adverto, Collegium seu Seminariū prædictum, si à D. Parocho causa deferretur ad Ordina-

rium, ibi nō teneretur respondere, partim quia Reus conventus, scilicet R.P. Regens non solum est exemptus à jurisdictione Ordinarii quā membrum Societatis Jesu, sed etiam quā Regens hujus Seminariorū, cum Rectore & omnibus personis in eo degentibus exempti, partim quia agitur de valore, intellectu, & interpretatione Bullæ Summi Pontificis, de quibus cognoscere non pertinet ad Inferiorem. per c. 1. § 2. de Confirm. util. § c. 20. de Refr. ac ibi DD. cūm inferior non habeat potestatem in legem & voluntatem Superioris, c. 16. de Majorit. c. 15. de tempor Ordin. § Clem. 2. de Elec. videantur dicta superius in Decisione CLXXV. quest. 2. an. 6.

TITULUS XXXIV.

De Purgatione Canonica.

DECISIO CLXXVIII.

De Parocho ad Purgationem Canonicam admitti postulante.

SPECIES FACTI.

HEnricus, in quadam urbicula Parochus, de uno ac altero gravi

erimine dissimatus, & valde suspe-
ctus, ab Officio Ecclesiastico, ubi In-
qui-